

Moody's: láns hæfiseinkunn ríkissjóðs undir þrýstingi vegna þess að slitnað hefur upp úr samningaviðræðum í Icesave-deilunni.

(Lausleg þýðing á frétt Moody's)

London, 26. febrúar 2010. Matsfyrirtækið Moody's sagði í dag að stöðvun samningaviðræðna milli ríkisstjórna Íslands, Bretlands og Hollands í Icesave-deilunni setji þrýsting til lækkunar á Baa3 láns hæfiseinkunn Íslands. Moody's telur, að takist ekki að ná nýju samkomulagi, gæti það leitt til frekari seinkunar á efnahagsáætlun Alþjóðagjaldeyrissjóðsins (AGS), hægari efnahagsbata og hugsanlega til stjórn málaóstöðugleika. Á heildina litið telur Moody's að leið Íslands úr kreppunni gæti reynst erfiðari.

Viðræður sem miðuðu að því að ná nýju samkomulagi um Icesave voru nauðsynlegar þar sem hörð almenn andstaða við fyrra samkomulag leiddi til þess að forseti Íslands staðfesti ekki (Icesave) lög in snemma í janúar. Á þeim tíma leit Moody's svo á að of snemmt væri að endurskoða láns hæfismat sitt, þrátt fyrir að leið Íslands úr kreppunni gæti orðið torveldari ef deilur við bresk og hollensk stjórvöld drægjust á langinn. Allir aðilar höfðu mikla hagsmuni af nýju samkomulagi sem flýtir fyrir efnahagsbata og hugsanlegri inngöngu í Evrópusambandið. „Hins vegar er það nú skoðun Moody's að þessi forsenda geti verið bjartsýn í ljósi nýjustu atburða“ útskýrir Kenneth Orchard, sérfræðingur Moody's.

Ríkisstjórn Íslands hefur tilkynnt að þjóðaratkvæðagreiðsla um fyrra samkomulag fari fram hinn 6. mars 2010, en samkvæmt skoðanakönnunum er líklegt að því samkomulagi verði hafnað með miklum meirihluta.

Moody's bendir á að höfnun laganna í þjóðaratkvæðagreiðslunni geti komið í veg fyrir verulega (erlenda) lána fyrirgreiðslu frá Alþjóðagjaldeyrissjóðnum og norrænum ríkisstjórnnum, þar sem Bretland og Holland hafa hindrað framvindu efnahagsáætlunar AGS, án lausnar Icesave-deilunnar. Ef ekki kemur til lána fyrirgreiðslu frá AGS og norrænu ríkisstjórnunum getur dregið úr trú á gjaldmiðlinum og töf orðið á afnámi gjaldeyrishafta. Það dregur jafnframt úr fjárhagslegum viðbúnaði ef ríkisstjórnin lendir í

erfiðleikum við endurfjármögnun erlendra lána sem koma á gjalddaga seint á árinu 2011 og árið 2012.

„Höfnun samkomulagsins gæti einnig framlengt efnahagslega og stjórnmálalega óvissu og ógnað efnahagsbata“ bætir Kenneth Orchard við. Þrátt fyrir að samdráttur hagvaxtar hafi verið minni en búist var við á árinu 2009, er hugsanlegt að sterkur efnahagsbati komi ekki fram fyrir en 2012 eða síðar. Búist var við að nýjar fjárfestingar í ál- og orkuiðnaði myndu draga úr niðursveiflu efnahagslífsins á þessu ári, en töf á efnahagsáætlun AGS getur komið í veg fyrir aðgang að erlendu fjármagni sem nauðsynlegt er fyrir slíka fjárfestingu.

Moody's leggur áherslu á að leið Íslands út úr efnahagsáfallinu virðist vera torveldari. Fjárlagahalli og vísbendingar um skuldaþol eru meðal þess versta sem um getur hjá ríkissjóði í fjárfestingarflokki. Ríkisstjórnin undirbýr nú umtalsvert aukið aðhald í fjármálum hins opinbera næstu fimm árin til að ná tókum á fjárlagahallanum og að greiðslubyrði verði viðráðanleg. Hins vegar gæti möguleikinn á stjórnmálalegum óstöðugleika í kjölfar kosninganna komið í veg fyrir að ríkisstjórnin snúið sér að mikilvægum verkefnum innanlands.

Síðasta endurskoðun lánshæfismats íslenska ríkisins fór fram 11. nóvember 2009 þegar lánshæfiseinkunn var færð úr Baa1 með neikvæðum horfum í Baa3 með stöðugum horfum.